

# Deliberà constituziun dal cumün fusiunà Scuol

Prüma radunanza cumünala dal nou cumün

■ (anr/fa) La radunanza cumünala dal cumün fusiunà Scuol ha tratà il sböz da sia constituziun. Ils preschaints han proponü cun 89:9 vuschs da dar als esters il dret da vuschar per dumondas sün nivel cumünal. La sala polivalenta da Ftan d'eira bain occupada in marcurdi saira. Bundant tschient votantas e votants da tuot las ses fracziuns Ardez, Ftan, Guarda, Scuol, Sent e Tarasp han tut part a la prüma radunanza cumünala davo la decisun da fusiunar. «Insemel cun nos cusgliader, il giurist e docent a la HTW Ursin Fetz vain no capos chi fain part a la suprastanza transitoria elavurà il sböz da la constituziun», ha salüdà il capo da Ftan Reto Pedotti als preschaints. Ils oters commembers da quista suprastanza sun Roger Vulpi da Guarda, Jonpeider Strimer d'Ardez, Christian Fanzun da Tarasp, Jon Domenic Parolini da Scuol ed Albert Mayer da Sent.

## «Var tschinch ons per realisar tuot»

Parolini chi presidescha la suprastanza transitoria ha declarà las incumbenzas da quella: «Elavurar la constituziun e la ledscha d'impostas, preparar l'elecziun dal capo sco eir coordinar e survagliar l'organisaziun dal nou cumün sun nossas lez-

chas principalas.» Ch'els gnian accompagnats dal perit per fusiuns cumünalas Ursin Fetz e da Max Poltera da l'Uffizi chantunal da cumüns. «I's fa quint cun tschinch ons fin ch'el cumün fusiunà funcziuna.» Il sböz pella nouva constituziun cumünala as basa sco ch'el ha dit sül model chantunal per constituziuns cumünalas. «Il contrat da fusiun sta süsom, quel esa da resguardar cun far la constituziun», ha declarà Fetz. La radunanza cumünala s'ha pudü exprimer davart tuot ils 71 artichels dal sböz da constituziun. La prüma jada es quai stat il cas pro l'artichel 7 chi regla il dret da vuschar.

## Dret da vuschar fingià davo desch ons

Pro quel artichel vaiva preparà la suprastanza transitoria duos variantas: La prüma d'eira da dar il dret a burgais svizzers chi han cumpli il 18avel on e chi sun registrats i'l register da votants dal cumün. La seguonda varianta prevezzaiva da dar il dret da vuschar sün nivel cumünal eir amo als esters chi han permiss da domicil e chi stan almain 10 ons sainsa interrupziun i'l cumün da Scuol (e fracziuns). «A Scuol esa pel mumaint 1440 votants, esters cun permiss C abitan qua 263 persunas», ha



La suprastanza transitoria Christian Fanzun (schn.), Jonpeider Strimer, Jon Domenic Parolini, Albert Mayer, Reto Pedotti e Roger Vulpi cul sböz da la constituziun pel cumün fusiunà Scuol.

FOTOS F. ANDRY



Jon Domenic Parolini (schn.) e'l consulent Ursin Fetz in discussiun cuort avant la radunanza cumünala a Ftan.

infuormà Jon Domenic Parolini. Cun 89 vuschs schi e 9 vuschs na ha decis la radunanza da propuoner a la cumünanza d'urna chi decida davart la constituziun da dar il dret da vuschar eir als esters illas ses fracziuns dal cumün Scuol. La proposta d'ün preschaint da pretender 15 ons invezza da be desch ons es gnüda refüsada cun 70:40 vuschs.

## Prolungar ed istess limitar temp d'uffizi

Discussiun haja dat eir pro l'artichel 10, il «temp d'uffizi»: Il sböz da la constituziun prevezza ün temp d'uffizi pels commembers da las autoritads da cumün e dal capo da quatter ons e limità sün maximalmaing

trais periodas d'uffizi, dimena 12 ons. Ün preschaint ha mania chi saja difficil da chattar la gliעד chi's metta a disposiziun pella lavur pel cumün. Perquai ha'l proponü da s-chassar la limita da 12 ons. Plüs preschaints han però dit chi saja da mantgnair quista limita. Da quel avis d'eira la majorità dals preschaints: Cun 74:23 vuschs hana decis da propuoner da limitar il temp d'uffizi sco fixà i'l sböz da la constituziun. Cun 99:10 vuschs ha la radunanza però proponü da prolongar il temp d'uffizi dal capo sün 16 ons. Unanimaing ha decis la radunanza da fixar illa constituziun cha las autoritads cumünalas gnian saramantadas cun üna pitschna festa avant co entrar in uffizi. Discussiuns

haja dat eir amo pro oters dals 71 artichels. La radunanza cumünala a Ftan ha per finir deliberà la constituziun cumünala per mans da la cumünanza d'urna. La votumaziun lasupra sco eir l'elecziun dal capo es, sco cha Jon Domenic Parolini ha infuormà, als 24 avuost. Als 28 settember es l'elecziun da la suprastanza cumünala, dal cussagl da scoula e da la cumischium sindicataria ed als 30 november la votumaziun davart la ledscha d'impostas.

Propostas per candidatas e candidats pel post da capo dal nou cumün Scuol as poja inoltrar fin als 31 lügl pro l'actuariat da la suprastanza transitoria: Marianna Sempert, Chasa cumünala, 7550 Scuol.

## TERRA GRISCHUNA

MACHEN SIE EINE FASZINIERENDE ENTDECKUNGSREISE DURCH GRAUBÜNDEN:  
Die Bündner Zeitschrift für Natur, Kultur und Freizeit

½ Jahr Schnupperabo nur CHF 25.–

- Ich bestelle ein **GRATIS-PROBEHEFT** zum Kennenlernen.
- Ich bestelle ein **SNUPPERABONNEMENT** der «Terra Grischuna» für ein ½ Jahr (3 Ausgaben) zu CHF 25.– (Europa: EUR 30.–). (Gilt nicht für Geschenkabonnemente.)
- Ich bestelle ein **JAHRESABONNEMENT** der «Terra Grischuna» zu CHF 68.–/Europa CHF 81.–/EUR 70.–, übrige Länder CHF 89.–/EUR 78.– und erhalte ein Begrüßungsgeschenk. (Versandkosten und MwSt. inbegriffen. Preisbasis 2014. Nur für Neuabonnenten.)

### Adresse des Bestellers

Name/Vorname \_\_\_\_\_  
Strasse, Nr. \_\_\_\_\_  
PLZ/Ort \_\_\_\_\_  
Telefon \_\_\_\_\_

### Nur für Geschenkabonnemente, Adresse des Beschenkten

Name/Vorname \_\_\_\_\_  
Strasse, Nr. \_\_\_\_\_  
PLZ/Ort \_\_\_\_\_  
Telefon \_\_\_\_\_

Einsenden an Südostschweiz Presse und Print AG, Terra Grischuna, Postfach 508, CH-7007 Chur, Tel. 081 255 54 54, Fax 081 255 51 51 **Online:** [www.terrigrischuna.ch](http://www.terrigrischuna.ch)

